

Cydweithrediad Iechyd GIG Cymru

Adroddiad Blynyddol 2018/19



CYNNWYS

1	RHAGAIR	2
2	CYFLWYNIAD	3
3	AMDANOM NI	3
4	EIN GWERTHOEDD	4
5	EIN GWAITH	4
6	EIN RHWYDWEITHIAU A’N TIMAU – SUT MAENT YN GWEITHIO A’U CYFLAWNIADAU	5
6.1	Rhwydwaith y Galon Cymru	5
6.2	Rhwydwaith Canser Cymru	6
6.3	Rhwydwaith Gofal Critigol a Thrawma Cymru	7
6.4	Rhwydwaith Newyddenedigol Cymru	8
6.5	Gwasanaethau Iechyd Meddwl Plant a’r Glasoed Cymru a’r Rhwydwaith Anhwylderau Bwyta	9
6.6	Rhwydwaith Iechyd Meddwl Amenedigol	10
6.7	Rhaglen Law yn Llaw at Blant a Phobl Ifanc (T4CYP)	11
6.8	Patholeg	12
6.9	Rhwydwaith Lymffoedema Cymru	13
6.10	Delweddu	14
6.11	Rhwydwaith Gwybodaeth Labordai Cymru (LINC)	15
6.12	Grŵp Gweithredu Iechyd Menywod	15
6.13	Gofal Sylfaenol	16
6.14	Gweithredu Fframwaith Adolygu gan Gymheiriaid GIG Cymru	16
7	GWERTHFAWROGI EIN STAFF	17
8	PERFFORMIAD ARIANNOL 2018/19	19
9	RHAGOLWG – 2019/20	21
9.1	Cyfraniad a datblygiad sefydliad cyfan, ar draws y Cydweithrediad	21
9.2	Penodol i’r rhwydwaith/rhaglen	21

1 RHAGAIR

Mae'n bleser gennym gyflwyno'r adroddiad blynyddol hwn ar gyfer Cydweithrediad Iechyd GIG Cymru ar gyfer 2018/19. Drwy'r adroddiad blynyddol hwn, y cyntaf i'w lunio gan y Cydweithrediad, rydym wedi ceisio rhoi cipolwg ar waith y Cydweithrediad, hyrwyddo rhai o'i gyflawniadau yn 2018/19 ac amlygu blaenoriaethau ar gyfer y flwyddyn i ddod.

Mae'r Cydweithrediad yn gweithio ar ran GIG Cymru, ac i gefnogi Llywodraeth Cymru, er mwyn diwallu anghenion cleifion yn well drwy gynllunio ar gyfer trawsnewid gwasanaeth a gwella ansawdd gan ddefnyddio dull cenedlaethol. Drwy weithio gyda'n gilydd, a chyda rhanddeiliaid eraill, rydym yn harneisio ein harbenigedd ar y cyd er mwyn gwella gofal i gleifion.

Mae ein timau yn cwmpasu amrywiaeth eang o rwydweithiau clinigol, rhaglenni a phrosiectau cenedlaethol strategol, a swyddogaethau cymorth. Dechreuodd y Cydweithrediad 2018/19 gyda rhaglen waith uchelgeisiol ac mae hyn wedi ehangu'n sylweddol drwy gydol y flwyddyn er mwyn bodloni ceisiadau gan fyrdau iechyd a Llywodraeth Cymru. Hoffem ddiolch i bob un aelod o'r staff am eu hymrwymiad a'u cyfraniad at waith y Cydweithrediad. Hoffem ddiolch hefyd i'r holl bartneriaid sy'n gweithio gyda'r Cydweithrediad i gefnogi'r gwaith o gyflawni ein rhaglen waith. Cafodd llawer ei gyflawni drwy gydol y flwyddyn ac mae'n bleser gennym gael y cyfle i ddathlu rhai o'r cyflawniadau hyn gyda chi drwy'r adroddiad blynyddol hwn.

Rydym hefyd yn cydnabod yr oruchwyliaeth a'r cyfeiriad a ddarperir i dîm rheoli'r Cydweithrediad gan y prif weithredwyr a'r cadeiryddion drwy Grŵp Gweithredol y Cydweithrediad a Fforwm Arwain y Cydweithrediad, sy'n sicrhau bod y blaenoriaethau yn diwallu anghenion cleifion a gwasanaethau.

Rydym yn canolbwyntio ar adeiladu ar lwyddiant y flwyddyn ddiwethaf a chyflawni ein blaenoriaethau yn ystod yr hyn a fydd, yr ydym yn rhagweld, yn flwyddyn brysus iawn arall.

Rydym yn gobeithio y byddwch chi'n mwynhau darllen yr Adroddiad Blynyddol hwn ar gyfer y flwyddyn 2018/19.

Ann Lloyd

Cadeirydd Arweiniol a
Chadeirydd, Bwrdd
Iechyd Prifysgol
Aneurin Bevan

Allison Williams

Prif Weithredwr
Arweiniol a Phrif
Swyddog Gweithredol,
Bwrdd Iechyd Prifysgol
Cwm Taf Morgannwg

Rosemary Fletcher


Cyfarwyddwr,
Cydweithrediad Iechyd
GIG Cymru



2 CYFLWYNIAD

GIG Cymru (y Cydweithrediad). Mae'n darparu gwybodaeth am ein sefydliad a'n timau sy'n gweithio i gefnogi GIG Cymru i gynllunio a gwella gofal iechyd. Mae'n amlygu rhai o'n cyflawniadau yn 2018/19 a rhai o'n cynlluniau ar gyfer y flwyddyn sydd i ddod.

3 AMDANOM NI



Sefydlwyd Cydweithrediad Iechyd GIG Cymru yn 2015. Rydym yn gweithio ar ran y prif weithredwyr a'r cadeiryddion o'r byrddau iechyd, yr ymddiriedolaethau a'r awdurdod iechyd arbennig sy'n rhan o GIG Cymru. Rydym hefyd yn gweithio i gefnogi Llywodraeth Cymru. Rydym yn helpu i lunio, cynllunio a gwneud argymhellion ar ddyfodol gwasanaethau'r GIG ledled Cymru.

Fel sefydliad cenedlaethol, mae'r Cydweithrediad yn gweithio mewn meysydd gan gynnig y cyfle ar gyfer gwella traws-sefydliad. Drwy gydweithredu, ymgysylltu a hwyluso, mae ein timau yn gweithio i wella gwasanaethau GIG Cymru ar draws ffiniau sefydliadol, a gwella ansawdd gofal i gleifion.

Mae ein timau yn cwmpasu amrywiaeth eang o rwydweithiau clinigol, rhaglenni a phrosiectau strategol, a swyddogaethau cymorth.

Mae'r Cydweithrediad yn cael ei gynnal gan Iechyd Cyhoeddus Cymru ar ran GIG Cymru. Drwy ein trefniadau cynnal, mae'r Cydweithrediad yn cael ei gefnogi gan dimau corfforaethol yn Iechyd Cyhoeddus Cymru ac mae'n gweithio o fewn ei reolau sefydlog a'i gyfarwyddiadau ariannol sefydlog, a'r holl bolisiau a gweithdrefnau perthnasol.

Mae tîm y Cydweithrediad yn atebol am ei berfformiad ac am gyflawni ei gynllun gwaith i gadeiryddion a phrif weithredwyr GIG Cymru. Mae Fforwm Arwain y Cydweithrediad (cadeiryddion a phrif weithredwyr) yn gweithredu fel y grŵp llywodraethu cyfrifol ar gyfer tîm y Cydweithrediad ac mae'n cymeradwyo cynllun gwaith blynyddol y Cydweithrediad. Mae Grŵp Gweithredol y Cydweithrediad (prif weithredwyr) yn is-grŵp ffurfiol o Fforwm Arwain y Cydweithrediad ac mae'n darparu arweiniad gweithredol amlach i dîm y Cydweithrediad a goruchwyllo manylach o'i waith.

4 EIN GWERTHOEDD


Yn ystod 2018/19, yn dilyn nifer o grwpiau ffocws staff i adolygu canlyniad arolwg staff GIG Cymru, gwnaethom ymrwymo i fabwysiadu gwerthoedd Iechyd Cyhoeddus Cymru. Byddwn yn sicrhau ein bod yn 'gweithio gyda'n gilydd, gydag ymddiriedaeth a pharch, i wneud gwahaniaeth' ym mhopeth a wnawn fel tîm y Cydweithrediad ac wrth weithio gyda'n rhanddeiliaid.

5 EIN GWAITH

Mae ein cynllun gwaith yn cael ei lunio mewn nifer o ffyrdd. Roedd y rhan fwyaf o'r cynllun gwaith ar gyfer 2018/19 yn cynnwys y blaenoriaethau y cytunwyd arnynt drwy'r byrddau rhwydwaith clinigol, grwpiau gweithredu cyflyrau difrifol a byrddau rhaglenni strategol. Caiff manylion am ein cyflawniadau eu disgrifio yn ddiweddarach yn yr adroddiad hwn.

Cafwyd ceisiadau i dderbyn gwaith newydd hefyd gan brif weithredwyr a Llywodraeth Cymru ac, yn ystod 2018/19, derbyniodd tîm y Cydweithrediad nifer o swyddogaethau a thimau ychwanegol:

- Rhwydwaith Mamolaeth Cymru – trosglwyddodd y rhwydwaith hwn i'r Cydweithrediad o Iechyd Cyhoeddus Cymru (1000 o Fwydau) o 1 Ebrill 2018. Yn ystod y flwyddyn, cytunwyd ar drefniadau i uno hyn yn rhwydwaith newydd Rhwydwaith Mamolaeth a Newyddenedigol Cymru.
- Rhwydwaith Iechyd Meddwl GIG Cymru – cafodd bwrdd ar gyfer y rhwydwaith newydd hwn ei sefydlu yn 2018 a gwnaeth y Cydweithrediad hefyd gymryd cyfrifoldeb am y Rhwydwaith Iechyd Meddwl Amenedigol newydd fel rhan o'r Rhwydwaith Iechyd Meddwl sy'n datblygu.
- Grŵp Gweithredu Iechyd Menywod – derbyniodd y Cydweithrediad gyfrifoldeb am gefnogi'r grŵp gweithredu newydd hwn.
- Gwnaed gwaith paratoi i ddod â nifer o staff a oedd yn cefnogi grwpiau gweithredu cyflyrau difrifol i mewn i'r Cydweithrediad.
- Sicrhawyd arweinyddiaeth rhaglen ar gyfer rhaglen gwella endosgopi newydd wedi'i chyfeirio'n genedlaethol.



6 EIN RHWYDWEITHIAU A'N TIMAU

SUT MAENT YN GWEITHIO A'U CYFLAWNIADAU

6.1 Rhwydwaith y Galon Cymru

Mae Rhwydwaith y Galon Cymru yn gweithio gyda phartneriaid ar ryngwyneb gofal sylfaenol, eilaidd a thrydyddol i ddarparu gofal gwell i bobl, o bob oed, sydd mewn perygl o gyflyrau'r galon neu wedi'u heffeithio ganddynt. Mae'r rhwydwaith yn gweithio i wella canlyniadau o ran lleihau marwolaeth ac afiachedd cardiolegol cyn pryd.

Mae gwaith y rhwydwaith yn cael ei ysgogi gan grŵp arweinyddiaeth strategol, y Grŵp Gweithredu ar gyfer Cyflyrau ar y Galon. Mae'r grŵp yn cynnwys cynrychiolaeth glinigol a rheolaethol o fyrdau iechyd, Pwyllgor Gwasanaethau Iechyd Arbenigol Cymru, cymdeithasau proffesiynol a phartneriaid strategol allweddol o bob rhan o gymunedau'r galon yng Nghymru, wedi'u llywio gan y Cynllun Cyflawni ar gyfer Cyflyrau ar y Galon.

Cyflawniadau allweddol yn 2018/19:


- **Cyd-ddatblygu a chyhoeddi Atlas Amrywiadau Cardiofasgwlaidd GIG Cymru** sy'n nodi presenoldeb amrywiadau na ellir eu cyfiawnhau mewn agweddau allweddol ar ofal y galon ac yn nodi:

- nad oes digon o ddefnydd o driniaeth gwerth uchel, sy'n aml yn cynyddu annhegwch oherwydd bod mwy o danddefnyddio ymhlith grwpiau mwy difreintiedig.
- gormod o ddefnydd o driniaeth o werth cyfyngedig.

Cafodd yr Atlas ei lansio ym mis Mawrth 2019 ac mae'n galluogi GIG Cymru i ymchwilio i'r rhesymau dros amrywiadau na ellir eu cyfiawnhau, gwella'r broses o wneud penderfyniadau, a chyflawni gwell canlyniadau a gwerth i bobl yng Nghymru.

- **Cyd-ddatblygu a lansio Rhaglen Achub Bywydau Cymru** sy'n annog mwy o bobl ledled Cymru i ddysgu a defnyddio sgiliau achub bywyd. Caiff y prosiect ei ddatblygu ymhellach dros y ddwy flynedd nesaf, i wella mynediad i hyfforddiant adfywio cardio-pwlmonaidd (CPR) a chynyddu'r ymwybyddiaeth a'r defnydd o ddiffibrilwyr i bobl o bob cefndir. Mae'r rhaglen amlasiantaeth wedi'i chyllido gan Lywodraeth Cymru am y ddwy flynedd gyntaf.

- **Cyd-ddatblygu a gweithredu prosiect rhyng-gysylltu data** sy'n hyrwyddo, drwy Wasanaeth Gwybodeg GIG Cymru (NWIS), ddatblygu un adnodd cenedlaethol i gefnogi casglu data'r galon o systemau presennol a systemau newydd.




6.2 Rhwydwaith Canser Cymru

Mae'r Cynllun Cyflawni ar gyfer Canser a Cymru lachach yn gosod gweledigaeth uchelgeisiol o 'wasanaethau iechyd a gofal cymdeithasol yn cael eu darparu drwy un system gyfan ddi-dor' sy'n canolbwyntio ar iechyd a llesiant, ac ar atal salwch. Mae'n ei gwneud yn ofynnol cael gwell gwasanaethau, gofal a chanlyniadau cancer i bawb ledled Cymru. Ei nod yw lleihau nifer y bobl sy'n cael cancer, cynyddu cyfraddau goroesi a sicrhau bod pobl yn cael profiad cadarnhaol o driniaeth a gofal, pwyl bynnag ydynt a lle bynnag y maent yn byw. Bydd hyn yn arwain at fwy o bobl yn byw'n well ac yn byw'n hirach.

Er mwyn ymateb i'r her hon, mae Rhwydwaith Canser Cymru yn rhoi arweinyddiaeth systemau i ddod â phartneriaid at ei gilydd i gydweithio er mwyn gwednewid gwasanaethau cancer a gwella canlyniadau i gleifion. Mae ei flaenoriaethau yn cael eu nodi a'u goruchwyllo gan y Grŵp Gweithredu ar Ganser.

Cyflawniadau allweddol yn 2018/19:

- **Un Llwybr Canser** – cydnabuwyd ers tro nad oedd targedau amseroedd aros cancer yn adlewyrchu'n gywir brofiad y claf nac yn amlygu'r heriau ar draws llwybrau gofal er mwyn ysgogi'r trawsnewidiad gofynnol. Roedd y Grŵp Gweithredu ar Ganser yn ganolog, ar ran y gymuned cancer, o ran sicrhau cefnogaeth weinidogol i'r Un Llwybr Canser i'w fabwysiadu yng Nghymru o fis Mehefin 2019. Bydd hyn yn:
 - cefnogi cleifion drwy lwybrau 'deallus' ac yn ysgogi gwelliant drwy gymharu perfformiad ar draws safleoedd cancer a byrddau iechyd.
 - datblygu gwybodaeth i ddeall y bwch presennol o ran capasiti mewn gwasanaethau diagnostig a thriniaeth a rhagfynegi'r galw i gynllunio'n unol â hynny.
- **Cynllun Gweithredu Syndrom Lynch** – hwyluswyd y broses o gytuno ar y cynllun a fydd yn arwain at fodel gwasanaeth unigol Cymru gyfan ar gyfer profion Syndrom Lynch. Bwrdd Iechyd Prifysgol Caerdydd a'r Fro, fel y bwrdd a oedd yn cynnal Gwasanaeth Geneteg Feddygol Cymru Gyfan, oedd y sefydliad arweiniol, gan gytuno ar y model gyda'r holl fyrddau iechyd.
- **Ateb Gwybodeg Canser** – paratoi'r Achos Cyfiawnhad Busnes ar gyfer Ateb Gwybodaeth Canser Cymru i gymryd lle System Gwybodaeth Rhwydweithiau Canser Cymru (Canisc). Bydd gweithredu yn gwella ansawdd a diogelwch gofal ar gyfer y boblogaeth ac mae'n cael cefnogaeth glinigol o bob rhan o Gymru.




6.3 Rhwydwaith Gofal Critigol a Thrawma Cymru

Mae blaenoriaethau'r rhwydwaith ar gyfer gofal critigol yn cael eu pennu gan y Grŵp Gweithredu Salwch Critigol, wedi'i lywio gan y *Cynllun Cyflawni hyd at 2020 ar gyfer y rhai sy'n ddifrifol wael*. Gan adeiladu ar y gwaith hwn, yn 2018, sefydlodd Llywodraeth Cymru grŵp gorchwyl a gorffen gyda ffrydiau gwaith ategol i ddatblygu model gofal cenedlaethol ar gyfer y rhai sy'n ddifrifol wael ac i oruchwyllo'r gwaith o ddyrannu cyllid rheolaidd newydd o £15 miliwn i gefnogi hyn. Roedd tîm y rhwydwaith yn ymwneud â'r gwaith hwn a bydd yn cydlynu ac yn monitro gweithredu drwy'r Grŵp Gweithredu Salwch Critigol.

Mewn perthynas â thrawma, mae gan y rhwydwaith rôl allweddol a sefydledig yng Ngogledd Cymru gan gynorthwyo staff clinigol a rheolwyr i sicrhau arweinyddiaeth gref, llywodraethu a rheoli'r llwybr claf trawma mawr drwy Rhwydwaith Trawma Gogledd-orllewin Canolbarth Lloegr a Gogledd Cymru.

Cyflawniadau allweddol yn 2018/19:

- Arweinyddiaeth glinigol a rhaglen ar gyfer sefydlu **rhwydwaith trawma mawr ar gyfer De, Canolbarth a Gorllewin Cymru**. Bydd y rhwydwaith yn cynnwys y chwe bwrdd iechyd yn y rhanbarth, Ymddiriedolaeth Gwasanaeth Ambiwlans Cymru a Gwasanaeth Adalw a Throsglwyddo Meddygol Brys Cymru, a bydd yn darparu gwell llwybr gofal i gleifion sy'n dioddef trawma difrifol. Mae hon yn rhaglen sylweddol o wella gwasanaeth ac ansawdd ac y mae tystiolaeth yn dangos y bydd yn arwain at well canlyniadau i gleifion. Bydd y gwaith hwn yn parhau fel blaenoriaeth uchel drwy gydol 2019/20.
- Gweithio gyda Gwasanaeth Gwybodeg GIG Cymru i baratoi ar gyfer strategaeth gaffael a chytuno arni ar gyfer **System Gwybodaeth Glinigol ar gyfer Gofal Critigol** a gaiff ei chyflwyno i bob uned gofal critigol yng Nghymru. Mae'r Rhwydwaith wedi gweithio gyda chlinigwyr o bob bwrdd iechyd i ddatblygu manyleb ar gyfer caffael system unwaith i Gymru. Ar ôl cadarnhau'r manylebau clinigol a thechnegol, byddant yn cael eu cyflwyno i'r farchnad yn 2019 ac, yn amodol ar gymeradwyo Achos Busnes Llawn, caiff gwasanaeth ei gomisiynu a'i gyflwyno gan Wasanaeth Gwybodeg GIG Cymru.
- Ddatblygu **cyfres gynhwysfawr o gymwyseddau ar gyfer nyrsys gofal critigol i oedolion**, sydd wedi'i mabwysiadu gan bob uned yng Nghymru. Mae gwaith bellach wedi dechrau gyda sefydliadau addysg uwch er mwyn sicrhau bod pob cwrs gofal critigol yng Nghymru wedi'i anelu at gynorthwyo nyrsys i gyflawni'r cymwyseddau.




6.4 Rhwydwaith Newyddenedigol Cymru

Mae Rhwydwaith Newyddenedigol Cymru yn dod â gweithwyr proffesiynol y GIG a phartneriaid eraill at ei gilydd, gyda'r nod o sicrhau bod gofal newyddenedigol teg, o ansawdd uchel ac sy'n effeithiol yn glinigol ar gael i fabanod a'u teuluoedd yng Nghymru. Ei brif nod yw sicrhau bod mamau a babanod yn derbyn gofal mewn lefel o uned newyddenedigol sy'n briodol i'w hanghenion, mor agos â phosibl at eu cartrefi. Ceir tair lefel: gofal dwys newyddenedigol, unedau newyddenedigol lleol ac unedau gofal arbennig.

Mae'r cyfeiriad strategol ar gyfer gwelliannau i wasanaethau newyddenedigol yn seiliedig ar gyflawniadau yn erbyn Safonau Newyddenedigol Cymru Gyfan 3ydd Rhifyn 2017. Cafodd y safonau eu hysgrifennu yn unol â'r Canllaw Gwella Ansawdd: Gwella Ansawdd Gyda'n Gilydd (2014) ac maent yn adlewyrchu chwe elfen ansawdd mewn gofal iechyd: yn canolbwyntio ar y claf; diogel; effeithiol; amserol; effeithlon; teg.

Cyflawniadau allweddol yn 2018/19:

- Sefydlu'r **Dangosfwrdd Newyddenedigol** sy'n galluogi cydweithwyr ar draws y rhwydwaith i weld data sy'n ymwneud â'r Rhaglen Archwilio Newyddenedigol Genedlaethol, gweithgarwch unedau a data trafnidiaeth. Mae hyn yn rhoi'r gallu i'r unedau a'r byrddau iechyd i feincnodi eu gwasanaeth yn erbyn unedau eraill yng Nghymru. Mae'r dangosfwrdd yn hygyrch drwy SharePoint y rhwydwaith ac mae'n cynnwys nifer o adnoddau eraill, gan gynnwys canllawiau rhwydwaith ac adrodd am eithriadau.
- Arwain Grŵp Gorchwyl a Gorffen, gyda chynrychiolaeth o bob uned yng Nghymru, i ddatblygu **Pecyn Gwybodaeth i Deuluoedd Cymru Gyfan** mewn perthynas â Gofal Integredig i Deuluoedd. Dangoswyd bod hyn yn cynyddu cyfraddau bwydo ar y fron, yn gostwng cyfraddau heintio ac yn lleihau hyd arhosiad yn yr ysbyty. Roedd y gwaith yn seiliedig ar fodel Gofal Integredig i Deuluoedd Singleton, sef partneriaeth rhwng staff a rhieni.
- Gweithio gyda chomisiynwyr a darparwyr gwasanaethau i lunio **pcynnig i ymestyn y gwasanaeth trafnidiaeth newyddenedigol 12 awr presennol** i 24 awr yn unol â'r safonau. Er nad yw hyn wedi'i gytuno fel model gwasanaeth a gomisiynwyd hyd yma, mae'n enghraifft dda o'r rhwydwaith yn cydlynu gwella gwasanaeth ar draws byrddau iechyd sy'n darparu ac yn atgyfeirio.




6.5 Gwasanaethau Iechyd Meddwl Plant a'r Glasoed Cymru a'r Rhwydwaith Anhwylderau Bwyta

Mae'r rhwydwaith yn dod â gweithwyr proffesiynol GIG Cymru a phartneriaid amlasiantaethol allweddol at ei gilydd i gydweithio er mwyn gwella mynediad, effeithiolrwydd ac ansawdd gwasanaethau mewn gwasanaethau iechyd meddwl plant a'r glasoed (CAMHS), iechyd a llesiant emosiynol a gwasanaethau anhwylderau bwyta. Mae'r rhwydwaith yn cydnabod pwysigrwydd cynnwys cyngor ac arweinyddiaeth clinigol priodol o bob bwrdd iechyd yng Nghymru, ac o Bwyllgor Gwasanaethau Iechyd Arbenigol Cymru. Y nod yw gwella rhyng-gysylltiadau ar draws gwasanaethau a chefnogi athroniaeth ymyrryd yn gynnar, atal ac adfer.

Hyd yma, mae blaenoriaethau'r rhwydwaith wedi'u pennu gan Fwrdd Rhwydwaith CAMHS/anhwylderau bwyta. O 2019/20, bydd y rhwydwaith yn adrodd i Fwrdd newydd Rhwydwaith Iechyd Meddwl GIG Cymru drwy is-grwpiau penodol ar gyfer CAMHS ac anhwylderau bwyta yn y drefn honno.

Cyflawniadau allweddol yn 2018/19:

- Cefnogi'r **dadansoddiad o randdeiliaid CAMHS sylfaenol (PCAMHS)**, a gynhelir gan Uned Gyflawni GIG Cymru, drwy ddarparu'r gydran adborth defnyddwyr gwasanaethau drwy amrywiaeth o ffyrdd, gan gynnwys arolwg ar-lein a chynnull grwpiau ffocws.
- Cynnal y **Grŵp Gorchwyl a Gorffen CAMHS arbenigol ar gyfer Gofal Cleifion Mewnol Uwch Haen 4**. Darperir gwasanaethau ar hyn o bryd drwy leoliadau y tu allan i'r ardal. Gwnaeth y rhwydwaith bennu cwmphas y capasiti a'r galw ar gyfer y gwasanaethau hyn a datblygodd arfarniad o opsiynau wedi'i lywio'n glinigol i lywio penderfyniadau comisiynu Pwyllgor Gwasanaethau Iechyd Arbenigol Cymru yn y dyfodol.
- Paratoi ar gyfer **adolygiad clinigol gan gymheiriaid** o CAMHS. Daeth nifer da i'r diwrnod arfer arloesol a gynhaliwyd ym mis Chwefror 2019 lle adolygwyd arfer gorau ar draws y DU a chytunwyd ar feysydd blaenoriaeth i'w hadolygu.




6.6 Rhwydwaith Iechyd Meddwl Amenedigol

Mae'r Rhwydwaith Iechyd Meddwl Amenedigol, maes gwaith newydd ar gyfer y Cydweithrediad yn 2018/19, wedi'i sefydlu i oruchwyllo'r gwaith o gynllunio a darparu gwasanaethau iechyd meddwl amenedigol effeithlon ac effeithiol. Bydd y rhain yn canolbwyntio ar atal, ymyrryd yn gynharach, bod yn ddarbodus ac yn gymesur. Bydd y rhwydwaith yn rhoi cyngor cyfansawdd i Lywodraeth Cymru a byrddau iechyd, gan gynnwys cyngor ar ddyrannu cyllid, wrth i wasanaethau a threfniadau ariannu newid.

Bydd y rhwydwaith yn cefnogi arfer seiliedig ar dystiolaeth ac arloesol, gan alluogi i wasanaethau gael eu darparu'n deg ledled Cymru. Un ffocws penodol fydd gweithredu'r argymhellion o'r Pwyllgor Plant, Pobl Ifanc ac Addysg (CYPE, 2017), a Beichiogrwydd a babis:gofal iechyd meddwl amenedigol yng Nghymru (NSPCC-NCMH-MIND, 2018).

Cyflawniadau allweddol yn 2018/19:

- Datblygu a chyhoeddi'r **Arweiniad ar gyflwyno Gwasanaethau Iechyd Meddwl Amenedigol Integredig yng Nghymru**, gan ddarparu q canllawiau ar swyddogaethau gwasanaethau iechyd meddwl amenedigol yng Nghymru. Cafodd ei ddatblygu gyda rhanddeiliaid allweddol, gan gynnwys y rhai â phrofiad byw, a chyda'r trydydd sector a'r holl grwpiau proffesiynol perthnasol. Gwnaeth yr ymchwil a'r dystiolaeth ddiweddaraf lywio ei gynnwys.
- **Arweiniad ar gyflwyno Gwasanaethau Iechyd Meddwl Amenedigol Integredig yng Nghymru - data a gasglwyd/cwestiynau archwilio a awgrymwyd**, gan amlinellu wyth safon ar gyfer Cymru Gyfan. Drwy gydol 2019/20, bydd disgwyliad y bydd pob bwrdd iechyd yn meincnodi gwasanaethau presennol yn erbyn y safonau hyn. Cafodd yr arweiniad a'r data a gasglwyd/cwestiynau archwilio eu hysgrifennu gan Grŵp Llywio Iechyd Meddwl Amenedigol Cymru Gyfan a'r Gymuned Ymarfer, wedi'u cefnogi gan dîm Iechyd Meddwl ac Anableddau Dysgu 1000 o Fywydau a Mwy.
- Penodi **Arweinydd Clinigol Cenedlaethol ar gyfer Iechyd Meddwl Amenedigol** i arwain y rhwydwaith. Mae'r rôl yn cynnwys datblygu a gweithredu rhaglen wella genedlaethol i gynorthwyo hybu iechyd meddwl cadarnhaol babanod, atal problemau iechyd meddwl amenedigol, nodi ac ymyrryd yn gynnar mewn iechyd meddwl amenedigol, argaeledd ymyriadau seiliedig ar dystiolaeth, a datblygu gweithlu wedi'i hyfforddi'n briodol.



6.7 Rhaglen Law yn Llaw at Blant a Phobl Ifanc (T4CYP)


Mae Rhaglen Law yn Llaw at Blant a Phobl Ifanc yn rhaglen amlasiantaethol wedi'i harwain gan y GIG a'i noddi gan y llywodraeth ar gyfer gwella iechyd emosiynol a meddwl plant a phobl ifanc yng Nghymru.

Cafodd y rhaglen ei sefydlu yn 2015 ac mae'n cael ei chefnogi gan Grŵp Cyfeirio Arbenigol). Mae'r grŵp yn cynnwys arbenigwyr o'r byd academiaidd, llywodraeth leol, gwasanaethau iechyd meddwl plant a'r glasoed, byrddau iechyd, a'r Comisiynydd Plant. Cafodd y rhaglen ei hymestyn i bedwaredd flwyddyn a disgwylir iddi ddod i ben ym mis Hydref 2019. Mae adroddiad cynnydd, sy'n cyd-fynd â meysydd blaenoriaeth allweddol Law yn Llaw at Blant a Phobl Ifanc wedi'i gyflwyno i Gynulliad Cenedlaethol Cymru ar gyfer craffu arno yn y Siambr ym mis Mehefin 2019.

Mae'r adroddiad yn amlygu meysydd i'w gwella ac yn cyfeirio'n benodol at ganfyddiadau ac argymhellion y Pwyllgor Plant, Pobl Ifanc ac Addysg yn ei adroddiad 2018 Cadernid Meddwl. Mae'r rhain yn cynnwys mwy o ddarpariaeth a gwella ansawdd gwasanaethau iechyd meddwl plant a'r glasoed, mwy o wasanaethau cymunedol dwys, gwell amseroedd aros, lleihau lleoliadau amhriodol y tu allan i'r ardal a datblygu llwybr cenedlaethol newydd ar gyfer gwasanaethau niwroddatblygiadol.

Cyflawniadau allweddol yn 2018/19:

- Cynnydd sylweddol mewn perthynas â deall anghenion plant a phobl ifanc, nifer yr achosion o anhwylderau emosiynol a meddwl, a'r patrwm o ran darparu gwasanaethau. Mae tystiolaeth a dealltwriaeth yn parhau i ddatblygu, o ystyried y ffocws ar iechyd meddwl plant a phobl ifanc ar draws y DU ac yn rhyngwladol.
- Yn dilyn datblygu adroddiad cychwynnol plant a phobl ifanc Hafal, datblygodd y rhaglen **Grŵp Rhanddeiliad Ieuenctid Cenedlaethol** mewn partneriaeth â'r tîm Dull Ysgol Gyfan yn Llywodraeth Cymru. Bydd y grŵp yn helpu i ysgogi cynlluniau ymgysylltu y tu hwnt i oes y rhaglen, gydag uchelgais o gefnogi cydgynhyrchu'n llawn yn genedlaethol, yn rhanbarthol ac yn lleol.



6.8 Patholeg


Mae'r Datganiad o Fwriad ar gyfer Patholeg, a lansiwyd ym mis Ebrill 2019, yn darparu mandad ar gyfer sefydlu'r Rhwydwaith Patholeg Cenedlaethol gan ddisodli Bwrdd y Rhaglen Genedlaethol Patholeg a'r Cydweithrediad Patholeg Cymru Gyfan.

Caiff cwmplas y rhwydwaith ei benderfynu gan brif weithredwyr, ond bydd yn cyd-fynd yn bennaf â chyflawni'r amcanion a amlinellir yn y datganiad o fwriad, gan ganolbwyntio ar y canlynol:

- cynorthwyo'r gwaith o gyflawni Rhaglen Lywodraethu Cymru.
- datblygu a gweithredu rhaglen o waith strategol sy'n cyfrannu at wireddu gweledigaeth y datganiad o fwriad.
- mabwysiadu safonau a phrotocolau Cymru gyfan ar gyfer gwasanaethau patholeg yn GIG Cymru.
- Bwrdd Strategaeth Rhwydwaith Patholeg Cenedlaethol i oruchwylio gwaith y Rhwydwaith Patholeg Cenedlaethol a rheoli a gweithredu'r Cynllun Strategol Patholeg.

Uchafbwyntiau allweddol yn 2018/19:

- Paratoi'r **Statement of Intent for Pathology**. Mae hyn yn mynd i'r afael â'r heriau presennol sy'n wynebu gwasanaethau patholeg yng Nghymru drwy nodi wyth maes blaenoriaeth lle mae dulliau strategol newydd yn ofynnol ar gyfer datblygu gwasanaethau patholeg o ansawdd uchel, effeithiol a chydnerth. Mae gwasanaethau diagnostig effeithiol yn hanfodol er mwyn atal a rheoli clefydau ac mae'r gwelliannau i'r rhain yn helpu i drawsnewid y llwybr cleifion a phrofiad y claf, gan arwain at well canlyniadau clinigol ac economaidd. Mae'r datganiad o fwriad yn gyson ag uchelgeisiau Llywodraeth Cymru a amlinellwyd yn Symud Cymru Ymlaen: *Iach ac Egniol a'r Adolygiad Seneddol o Iechyd a Gofal Cymdeithasol yng Nghymru*.
- Datblygu **Rhwydwaith Patholeg Cenedlaethol** newydd i weithredu fel galluogwr i gyflawni camau gweithredu'r datganiad o fwriad, gyda ffrydiau gwaith cyflenwi cysylltiedig. Mae'r rhwydwaith wedi cytuno ar fwrdd goruchwylio – Bwrdd Strategaeth y Rhwydwaith Patholeg Cenedlaethol - ac wedi nodi blaenoriaethau allweddol ar gyfer ei grwpiau cyflawni - Gweithlu a Grŵp Addysg Patholeg, Bwrdd Strategaeth Pwynt Gofal a'r Grŵp Rheolwyr Gweithredol Patholeg Cenedlaethol.
- Adeiladu ar waith cam dilysu'r **Rhaglen Genedlaethol Patholeg Celloedd Digidol** drwy ddatblygu gwaith cam dau - cynyddu'n genedlaethol. Cafodd y gwaith ei ddatblygu drwy gaffael a gosod sganwyr digidol a chaledwedd/meddalwedd ym mhob bwrdd iechyd. Cafwyd cytundeb hefyd ar gyfer lleoli ateb canolfan interim ym Mwrdd Iechyd Prifysgol Betsi Cadwaladr gan alluogi byrddau iechyd eraill i gysylltu fel is-ganolfannau



6.9 Rhwydwaith Lymffoedema Cymru

Sefydlwyd Rhwydwaith Lymffoedema Cymru yn 2011, ar ôl cyhoeddi Strategaeth Lymffoedema Llywodraeth Cymru (2009). Mae'r holl wasanaethau lymffoedema yng Nghymru yn cael eu cefnogi a'u rheoli'n strategol gan y rhwydwaith, sy'n sicrhau bod yr holl wasanaethau'n cael eu safoni er mwyn lleihau amrywiadau mewn gofal, a chefnogi arloesi mewn gofal.


Mae gan y rhwydwaith dair rhaglen waith:

- Datblygu gwasanaethau.
- Addysg, archwilio ac ymchwil.
- Arloesi a thechnoleg.

Ym mhob rhaglen ceir grwpiau prosiect niferus, gan gynnwys Anastomosis Gwythiennol Lymffatig, Gallu a Galw Perfformiad Data, Gwasanaeth Pediatreg Cenedlaethol, Uned Lymffoedema Symudol Tenovus, ac Ymwybyddiaeth Cartrefi Nyrsio.

Cyflawniadau allweddol yn 2018/19:

- Ers 2011, mae ymwybyddiaeth o lymffoedema wedi gwella gan arwain at nifer uwch o achosion na'r hyn a ddisgwyliwyd yn wreiddiol. Roedd y dyraniad gwreiddiol o arian canolog yn seiliedig ar y galw amcangyfridig o 6,000 o gleifion y flwyddyn. Dros y blynnyddoedd diwethaf, mae'r ffigur hwn wedi cynyddu i fwy na 20,000 o gleifion y flwyddyn a arweiniodd at baratoi **Achos Busnes Seiliedig ar Werth ar gyfer Lymffoedema**. Mae gan yr achos busnes y potensial i gyflawni elw o dros 300% ar y buddsoddiad arfaethedig, yn ogystal â chyflawni canlyniadau ffafriol iawn i gleifion.
- Cafodd **Contract a Fformiwlari Dilledyn Cywasgu Cenedlaethol Cymru Gyfan** ei lansio ym mis Medi 2018. Bydd y contract newydd yn lleihau gwastraff, niwed ac amrywiadau ar draws Cymru, yn ogystal â chefnogi gofal iechyd darbodus a darparu'r canlyniad gorau i gleifion.
- **Adolygiad gan gymheiriaid o'r holl wasanaethau lymffoedema yng Nghymru** i nodi unrhyw fylchau o ran amrywiadau. Mae hyn wedi dangos bod y gymhareb o therapyddion i gleifion yn sylweddol uwch na'r hyn a argymhellir. Mae gan bob gweithiwr gofal iechyd lymffoedema lwyth achosion o 613 ar gyfartaledd ac mae'r llwyth achosion a argymhellir rhwng 150 a 220 o gleifion. Nododd yr adolygiad gan gymheiriaid hefyd amrywiad sylweddol o ran nifer y staff lymffoedema penodedig sy'n gweithio ym mhob bwrdd iechyd, gyda disgwyl i rai gweithwyr proffesiynol unigol reoli 1,039 o gleifion. Eir i'r afael â'r canfyddiadau drwy'r achos busnes seiliedig ar werth.



6.10 Delweddu


Rhoddodd y lansiad swyddogol o'r **Datganiad o Fwriad o ran Delweddu**, a lansiwyd ym mis Mawrth 2018 y mandad ar gyfer sefydlu'r Rhwydwaith Delweddu Cenedlaethol gan ddisodli hen Fwrdd y Rhaglen Ddelweddu Genedlaethol a Chydweithrediad Delweddu De Cymru.

Caiff cwmplas y rhwydwaith ei benderfynu gan brif weithredwyr, ond bydd yn cyd-fynd yn bennaf â chyflawni'r amcanion a amlinellir yn y datganiad o fwriad, gan ganolbwyntio ar:

- Cynorthwyo'r gwaith o gyflawni *Rhaglen Lywodraethu Cymru*.
- Datblygu a gweithredu rhaglen o waith strategol sy'n cyfrannu at gyflawni gweledigaeth y datganiad o fwriad.
- Mabwysiadu safonau a phrotocolau Cymru gyfan ar gyfer gwasanaethau delweddu yn GIG Cymru
- Bwrdd Strategaeth Rhwydwaith Delweddu Cenedlaethol i oruchwylio gwaith y Rhwydwaith Delweddu Cenedlaethol

Uchafbwyntiau allweddol yn 2018/19:

- Cafodd **Academi Ddelweddu Genedlaethol Cymru** ei datblygu mewn ymateb i bryderon am freuder y gweithlu delweddu yng Nghymru. Ei phrif ddiben yw datblygu a chyflawni rhaglen waith wedi'i chynllunio er mwyn mynd i'r afael â'r heriau sy'n wynebu radioleg glinigol a sicrhau bod gan Gymru weithlu radiolegwyr o ansawdd uchel a chynaliadwy ar gyfer y dyfodol. Mae gan yr Academi 22 o hyfforddwyr radiolegwyr ymgynghorol ac agorodd ei drysau i hyfforddeion radioleg newydd ym mis Awst 2018. Mae wedi dod yn ganolfan ar gyfer cyfarfodydd ar gyfer delweddu diagnostig yng Nghymru. Cafodd yr Academi ei hagor yn swyddogol ym mis Chwefror 2019 gan y Gweinidog Iechyd a Gwasanaethau Cymdeithasol ac mae ganddi broffil cynyddol, gan greu cyfle ar gyfer ymchwil ac arloesi.
- Cyhoeddodd Llywodraeth Cymru y **Datganiad o Fwriad o ran Delweddu** in ym mis Mawrth 2018 er mwyn mynd i'r afael â'r heriau presennol mewn delweddu diagnostig a therapiwtig ar draws GIG Cymru. Y **Rhwydwaith Delweddu Cenedlaethol** fydd y cyfrwng ar gyfer rheoli uchelgeisiau'r datganiad o fwriad a'r argymhellion o Adroddiad Gwasanaethau Radioleg yng Nghymru Swyddfa Archwilio Cymru 2018, drwy ddatblygu cynllun gweithredu wedi'i gydlynw'n genedlaethol.
- Rhoddwyd awdurdod gan brif weithredwyr i ddechrau gwaith ar **System Archif Lluniau (PACS)** newydd. Mae'r gwasanaeth wedi manteisio ar y cyfle i ymestyn hyn i gynnwys adolygu gwybodeg radioleg gyda'r nod o ddatblygu manyleb amlinellol ar gyfer system radioleg ddiagnostig o'i dechrau i'w diwedd (o'r atgyfeiriad hyd at yr adroddiad).



6.11 Rhwydwaith Gwybodaeth Labordai Cymru (LINC)

Mae'r Rhaglen LINC yn arwain y gwaith o gaffael a gweithredu gwasanaeth rheoli gwybodaeth labordai newydd ar gyfer GIG Cymru, a'r rhaglen newid ehangach. Mae LINC yn rhaglen sylweddol, sy'n galluogi i gynorthwyo'r gwaith o ddarparu gwasanaeth patholeg modern, cynaliadwy fel rhan o gynllun trawsnewid ehangach a nodwyd yn y *Datganiad o Fwriad Patholeg*.

Mae gan LINC randdeiliaid lluosog a chymhleth gyda lefelau gwahanol o ddiddordeb yn y rhaglen. Mae rhanddeiliaid allweddol wedi'u cynnwys drwy ddigwyddiadau a chyfarfodydd, a briffiau cyfathrebu rheolaidd.

Cyflawniadau allweddol yn 2018/19:


- Gwaith helaeth i **ymgysylltu â rhanddeiliaid** drwy gydol y flwyddyn i godi ymwybyddiaeth o'r rhaglen LINC ac i gael barn y gwasanaeth. Cynhaliwyd mwy na 40 o weithdai i gyfrannu at yr achos busnes a datblygu gofynion y gwasanaeth newydd.
- Cafodd yr **Achos Busnes Amlinellol** ei gymeradwyo gan bob bwrdd iechyd ac ymddiriedolaeth ac mae panel craffu Llywodraeth Cymru wedi argymhell ei gymeradwyo, yn amodol ar ymatebion i sylwadau.

6.12 Grŵp Gweithredu Iechyd Menywod

Cafodd y Rhaglen Iechyd Menywod ei chychwyn ar gais Ysgrifennydd y Cabinet, ar ôl cyhoeddi *Adroddiad y Grŵp Gorchwyl a Gorffen ar gyfer Adolygu'r Defnydd o Dâp a Llieiniau Rhwyll Synthetig y Wain*. Mae'r Bwrdd Gweithredu yn cael ei gefnogi gan Lywodraeth Cymru ac mae'n adrodd yn uniongyrchol i'r Gweinidog Iechyd. Bydd argymhellion o'r Adroddiad Rhwyll y Wain, yn ogystal â'r adroddiadau ar Anymataliaeth Ysgarthol ac Endometriosis, yn ei gwneud yn ofynnol sicrhau newid gwasanaeth sylweddol yn GIG Cymru. Penodwyd Rheolwr Rhaglen ar gyfer Iechyd Menywod i'r Cydweithrediad er mwyn cydlynu dull Cymru gyfan a sicrhau bod hyn yn cael ei gyflawni.

Dyma'r allbwn allweddol a fwriedir ar gyfer y gwaith hwn:

- Llwybr gofal newydd i Iechyd a Llesiant Pelfis Menywod.
- Gwasanaethau llawfeddygol diwygiedig gan gynnwys nodi canolfannau arbenigol.
- Prosesau diwygiedig ar gyfer casglu a dadansoddi data
- Dulliau gwell o atal.



6.13 Gofal Sylfaenol

Mae'r Cydweithrediad yn rhoi cymorth i waith ar y cyd rhwng Cyfarwyddwyr Gofal Sylfaenol a Gofal Cymunedol. Mae hyn wedi'i gofnodi mewn blaengynllun gwaith ac mae'n ategu gwaith ar y strategaeth genedlaethol ar gyfer gofal sylfaenol. Mae adroddiad blynyddol yn cael ei baratoi ar ran y Cyfarwyddwyr Gofal Sylfaenol a Chymunedol.

6.14 Gweithredu Fframwaith Adolygu gan Gymheiriaid GIG Cymru

O dan *Fframwaith Adolygu gan Gymheiriaid GIG Cymru* (2017), mae'r Cydweithrediad yn ymrwymedig i gynorthwyo datblygu, gweithredu a chynnal rhaglenni adolygu cymheiriaid o fewn y meysydd a gwmpesir gan bob un o'i rwydweithiau ac, wedi hynny, mewn meysydd eraill o arfer clinigol. Y bwriad yw adeiladu ar lwyddiant rhaglenni adolygu gan gymheiriaid a ddarperir gan Rwydwaith Canser Cymru ac, yn fwy diweddar, gan Rwydwaith Gofal Critigol a Thrawma Cymru


Mae canlyniadau disgwyledig adolygu gan gymheiriaid yn cynnwys

- gwelliant o ran diogelwch, ansawdd ac effeithiolrwydd gwasanaethau.
- profiad gwell i gleifion.
- rhannu arfer da yn gyson ac ymrwymiad amlwg i ofal iechyd darbodus.

Y flaenoriaeth gychwynnol oedd sicrhau bod yr holl rwydweithiau clinigol yn y Cydweithrediad yn cyflawni rhaglenni adolygu gan gymheiriaid, wedi'u hamserlennu dros gyfnod treigl o dair blynedd, sy'n bodoli gofynion y Fframwaith.

Yn ystod 2018/19, mae'r rhwydweithiau clinigol canlynol wedi gwneud gwaith paratoi i weithredu rhaglenni adolygu gan gymheiriaid sy'n dechrau yn 2019/20:

- Rhwydwaith y Galon Cymru.
- Rhwydwaith CAMHS/anhwylderau bwyta (ar gyfer gwasanaethau CAMHS i ddechrau).
- Rhwydwaith Mamolaeth a Newyddenedigol Cymru (ar gyfer gwasanaethau newyddenedigol i ddechrau)




7 GWERTHFAWROGI EIN STAFF

Mae'r cynnydd a wnaed a'r cyflawniadau drwy'r flwyddyn yn sgil ymrwymiad a gwaith caled ein holl staff a'r rhai sy'n gweithio gyda ni. Mae'r adroddiad blynyddol hwn wedi'i baratoi drwy gyfraniadau gan staff ac i adlewyrchu enghreifftiau o gyflawniadau sy'n bwysig iddynt.

Tyfodd nifer y staff sy'n gweithio i'r Cydweithrediad drwy gydol 2018/19 mewn ymateb i'n rhaglen waith sy'n ehangu.

Mae gwranddo ar staff a gweithredu ar eu hadborth yn hanfodol. Cynhaliwyd grwpiau ffocws staff i adolygu'r adborth o'r arolwg staff ac i nodi camau gweithredu ar gyfer gwella. Arweiniodd hyn at baratoi cynllun gweithredu arolwg staff, a bydd fforwm staff newydd yn arwain y gwaith o weithredu hyn yn 2019.





GIG
CYMRU
NHS
WALES

Cydweithrediad
Iechyd GIG Cymru
NHS Wales Health
Collaborative

Ein Gwerthoedd

Cydweithio, gydag ymddiriedaeth
a pharch, i wneud gwahaniaeth



Our values

Working together, with trust and
respect, to make a difference

8 PERFFORMIAD ARIANNOL 2018/19

Alldro net blynnyddol y Cydweithrediad yn 2018/19 oedd £11.7m.

Y sefyllfa ariannol y cytunwyd arni a ragwelwyd ar gyfer y Cydweithrediad yn 2018/19 oedd tanwariant o £450k. Roedd y sefyllfa tanwariant net hon yn gysylltiedig â swyddi gwag yn ystod rhan o'r flwyddyn a llithriant yn erbyn prosiectau arfaethedig. Yn unol â gofynion y cytundeb cynnal, cafodd y tanwariant a ragwelwyd o £450k ei ddychwelyd i fyrddau iechyd ac ymddiriedolaethau yn gymesur â'u cyfraniadau i gyllideb y Cydweithrediad. O ganlyniad, llwyddodd y Cydweithrediad i fantoli'r cyfrifon ar ddiwedd 2018/19.


rhannau hynny o'r Cydweithrediad a oedd yn lechyd Cyhoeddus Cymru yn flaenorol, ynghyd â nifer o raglenni ychwanegol a'r rhwydweithiau clinigol canlynol:

- Gwasanaethau Iechyd Meddwl Plant a'r Glasoed/Rhwydwaith Anhwylderau Bwyta.
- Rhwydwaith Canser Cymru.
- Rhwydwaith y Galon Cymru.
- Rhwydwaith Gofal Critigol a Thrawma Cymru.
- Rhwydwaith Newyddenedigol Cymru.
- Rhwydwaith Mamolaeth Cymru.

Mae'r tabl isod yn rhoi crynodeb a manylion ynghylch alldro ariannol a gwariant net 2018/19:


Crynodeb o alldro 2018/19

Math	WTE	Lefelau gwirioneddol 2018/19	
		£000s oedd	%
Incwm		(11,672)	50.0%
Cyflog	88.47	5,373	23.0%
Heblaw am gyflog		6,299	27.0%
Cyfanswm	88.47	(1)	100.0%



Crynodeb o wariant net 2018/19

Tîmau/Rhwydweithiau Clinigol	WTE	Gwariant net 2018/19	
		£000s oedd	%
Busnes, Llywodraethu a Chyllid	6.80	698	6.0%
Rhwydwaith CAMHS/anhwylderau bwyta Cymru Gyfan	3.60	305	2.6%
Rhwydwaith Canser	35.00	6,173	52.9%
Cynllun Cyflawni ar gyfer Canser		1,018	8.7%
Rhwydwaith y Galon	5.70	502	4.3%
Rhwydwaith Gofal Critigol a Thrawma	6.50	493	4.2%
Gweithredu ar gyfer Diabetes	0.00	3	0.0%
Cyfarwyddwr	4.11	674	5.8%
LINC	7.61	271	2.3%
Lymffoedema	6.25	479	4.1%
Rhwydwaith Mamolaeth	0.00	80	0.7%
Rhwydwaith Newyddenedigol	4.93	297	2.5%
Iechyd Meddwl Amenedigol	0.00	17	0.1%
Cynllunio	2.00	148	1.3%
Rhaglenni	5.00	437	3.7%
Law yn Llaw at Blant a Phobl Ifanc	0.97	70	0.6%
Iechyd Menywod	0.00	7	0.1%
Cyfanswm y gwariant net 2018/19	88.47	11,672	100.0%



9 RHAGOLWG - 2019/20

Mae'r adran hon yn amlygu rhai o'r blaenoriaethau allweddol ar gyfer y Cydweithrediad yn 2019/20.

9.1 Cyfraniad a datblygiad sefydliad cyfan, ar draws y Cydweithrediad

- **Datblygu system gynllunio** sy'n cysoni rhaglenni a rhwydweithiau â'i gilydd a chyda methodoleg cynllunio strategol presennol GIG Cymru, gan alluogi i'r blaenoriaethau cenedlaethol gael eu hadlewyrchu ar draws cynlluniau strategol sy'n benodol i'r sefydliad.
- **Meithrin perthynas strategol** gyda'r Ganolfan Gwyddorau Bywyd i gefnogi arloesi a datrys problemau ar draws y rhaglenni a rhwydweithiau cenedlaethol.
- **Datblygu sgiliau staff** o ran rheoli newid drwy ddosbarthiadau meistr Trawsnewid Comisiwn Bevan.
- Datblygu rhaglen o **ddatblygu sefydliadol** ar gyfer y Cydweithrediad er mwyn sicrhau'r synergeddau mwyaf posibl rhwng rhaglenni a rhwydweithiau.
- Ehangu nifer o rwydweithiau clinigol sy'n cynnal **adolygiad gan gymheiriaid** yn unol â Fframwaith Adolygu gan Gymheiriaid GIG Cymru.

9.2 Penodol i'r rhwydwaith/rhaglen

- Sefydlu Rhwydwaith Mamolaeth a Newyddenedigol Cymru, gan gynnwys:
 - penodiadau i rolau a swyddi clinigol a rheoli newydd.
 - datblygu blaenoriaethau'r rhwydwaith ac unigolion a chynlluniau gwaith ar gyfer agweddau mamolaeth a newyddenedigol, wedi'u llywio gan y weledigaeth arfaethedig ar gyfer Gwasanaethau Mamolaeth GIG Cymru.
- Datblygu pecynnau hyfforddi cenedlaethol ar gyfer **gweithlu newyddenedigol Cymru** i gynnwys cymorth cymheiriaid a mentoriaeth broffesiynol.
- Cymryd cyfrifoldeb yn ffurfiol am gynorthwyo **grwpiau gweithredu cyflyrau difrifol** ychwanegol a throsglwyddo a recriwtio staff perthnasol.
- Gwaith pellach i weithredu **Rhwydwaith Iechyd Meddwl GIG Cymru**, drwy sefydlu pedwar is-grŵp yn ffurfiol, gyda'r dasg o benderfynu ar flaenoriaethau a goruchwyllo datblygu a gweithredu cynlluniau gwaith ar gyfer y meysydd o fewn eu cwrpas:
 - Is-grŵp Iechyd Meddwl Plant a'r Glasoed.
 - Is-grŵp Iechyd Meddwl Oedolion.
 - Bwrdd Rhwydwaith Iechyd Meddwl Amenedigol.
 - Is-grŵp Anhwylderau Bwyta.

- Adolygu canfyddiadau Uned Gyflawni GIG Cymru o **Wasanaethau Iechyd Meddwl Plant a'r Glasoed gofal sylfaenol** a datblygu cynlluniau i gynorthwyo'r gwaith o weithredu'r argymhellion.
- Ystyried goblygiadau'r **Fframwaith Anhwylderau Bwyta** newydd, unwaith y caiff ei gymeradwyo, a chefnogi'r broses o weithredu unrhyw newidiadau gofynnol.
- Cefnogi byrddau iechyd i sicrhau bod yr holl dimau cymunedol yn cyrraedd safonau **iechyd meddwl amenedigol** Cymru gyfan.
- Cefnogi meysydd allweddol o waith ar gyfer **Rhaglen Law yn Llaw ar Blant a Phobl Ifan** a pharatoi ar gyfer trosglwyddo'r rhaglen ym mis Hydref 2019.
- Cynorthwyo **llwybrau wedi'u hailddylunio** i wella mynediad i'r canlynol a'u canlyniadau: Syndrom Coronaidd Acíwt; Methiant y Galon; Ffibriliad Atriaidd.
- Cynorthwyo GIG Cymru i wella goroesi cancer drwy waith i wella mynediad i'r llwybrau gorau (mae'r rhain yn cynnwys y **rhaglenni Un Llwybr Cancer a Chanfod Cancer yn Gynnar**), gan sicrhau synergeddau rhwng gwaith Rhwydwaith Cancer Cymru a'r rhaglenni strategol ar gyfer patholeg, delweddu ac endosgopi.
- Cynorthwyo cyflawni buddsoddiad strategol mewn **Gwasanaethau Gofal Critigol** (£15m) fel y cytunwyd gan Lywodraeth Cymru, wedi'i gynghori gan grŵp gorchwyl a gorffen.
- Caffael a dechrau gweithredu **System Gwybodaeth Glinigol Gofal Critigol Cymru**.
- Cwblhau Achos Busnes Rhaglen **Trawma Mawr** a sicrhau bod y rheolaeth yn cael ei throsglwyddo o fwrdd y rhwydwaith i'r rhwydwaith cyflawni gweithredol, i fodloni'r dyhead i 'fynd yn fyw' ym mis Ebrill 2020.
- Cynnal cefnogaeth i'r agenda **gofal sylfaenol** genedlaethol.
- Hwyluso gwelliannau mewn endosgopi drwy arwain a datblygu'r **rhaglen endosgopi a gyfeirir yn genedlaethol**, i gynnwys cyhoeddi cynllun cenedlaethol erbyn mis Hydref 2019.
- Bwrw ymlaen â gweithredu'r Datganiadau o Fwriad ar gyfer Patholeg a Delweddu drwy'r **Rhwydwaith Patholeg Cenedlaethol a'r Rhwydwaith Delweddu Cenedlaethol**.
- Parhau i adeiladu ar y **Rhaglen Genedlaethol Patholeg Celloedd Digidol** drwy ddatblygu trydydd cam y rhaglen, a fydd yn galluogi ar gyfer seilwaith a reolir a gofynion storio wrth wella'r gallu o ran delwedd ddigidol ledled Cymru.
- Parhau i ddatblygu yn erbyn y strategaeth ar gyfer datblygu **lgwasanaethau lymffoedema**, i ddarparu ar gyfer gwasanaeth o ansawdd a gomisiynir yn gynaliadwy.
- Drwy'r rhaglen LINC, gweithio gyda Gwasanaeth Gwybodeg GIG Cymru i gyflawni'r Achos Busnes Llawn a chaffael **gwasanaeth gwybodaeth labordai cenedlaethol** newydd.
- Cydlynu dull Cymru gyfan o gyflawni allbynnau allweddol ar gyfer **Rhaglen Iechyd Menywod**, gan gynnwys llwybr gofal newydd a gwell dulliau o atal.

Am ragor o wybodaeth cysylltwch â:

Ffôn: 02920 815900

Cydweithrediad Iechyd GIG Cymru
River House, Llawr 1^{af}
Ynys Bridge Court, Gwaelod y Garth
Caerdydd, CF15 9SS



GIG
CYMRU
NHS
WALES

Cydweithrediad
Iechyd GIG Cymru
NHS Wales Health
Collaborative